

Nunatsinni Poortukkat

POST Greenlandip Niuernermi piumasaqaatai 1. juni 2016-imeersut

Niuernermi piumasaqaatit uku Nunatsinni Poortukkanik nassiussinernut atuupput. Niuernermi piumasaqaatinut tapiliussatut, Allakkerineq pillugu *Inatsisartut inatsisaanni nr. 3, 15. april 2011*-meersumi malittarisassat kiisalu POST Greenlandip allakkanik ingerlatssisarnermi pisussaaffii kisermaassisussataaeneralu il.il. pillugit *Namminersorlutik Oqartussat nalunaarutaat nr. 9, 24. juni 2011*-meersoq aamma atuupput.

Nunatsinni Poortukkat tassaapput poortukkat POST Greenlandimut tunniunneqartut Kalaallit Nunaanni tiguisussanut nassiunneqartussat.

Allamik allassimasoqartinnagu taaneqartut ullunnaat paasineqassapput ataasinngornermiit tallimannngornermut.

1. POORTUKKAT (A-T)

1.1 Kiffartuussinermi pitsaassutsikkullu anguniakkat

Poortukkat (A-t) nalinginnaasumik ingerlanneqartarput timmisartukkut siullikkut, angallassartullu avataaneersut atorneqartarput. Timmisartuni ilaasunik angallasissutini Poortukkat (A-t) inissaqartillutik ilaatinneqartarput – Poortukkallu (A-t) timmisartukkut nassiussanit tamatigut salliutinneqartarput. Angallassinermi allannngortoqarneranut tunngasut www.post.gl -imi kiisalu allakkerivimmi paasisutissiinnikkut takuneqarsinnaapput.

Pisut ilaanni Poortugaq timmisartukkoortussaq (A) umiarsuakkoortillugu pilertornerusumik ingerlanneqarsinnaasarpoq.

Poortukkanik (A-nik) aatsisoqarneq ajorpoq, tiguisussamullu nalunaarutigineqartarlutik. Poortukkat (A-t) tikinneranniit kingusinnerpaamik akunnerit sisamat qaangiunneranni nalunaarutigineqartarput, imaappoq tiguisussanut postbokselinnut ullormi tikiffianni imaluunniit kingusinnerpaamik aqaguani ullup qeqqata siorna. Tiguisussanut postbokseqanngitsunut nalunaarneq Allakkanut (A-nut) periaaseq atorneqassaaq. Poortukkat (A-t) isumaqatigiittoqarneratigut aammalu akiliuteqarinnikkut tiguisussamut ingerlanneqarsinnaapput.

Illoqarfisigap iluani Poortukkat akeqartinneqarput Poortukkat Økonomi- postpakte-tut (B - umiarsuakkoortut). Allakkerivinni bokselinnut Poortukkat, allakkerivimmut ullunnarni nal. 15.00 sioqqullugu tunniunneqartut, boksemut ulloq taanna nalunaarutigineqartarput. Tiguisussanut postbokseqanngitsunut illoqarfisigap iluani Poortukkanik nalunaarutiginninnermi, Allakkanut (A-nut) periaaseq atorneqartarpoq.

Illoqarfinni nunaqarfinnilu POST Greenlandip allakkeriveqarfingngisaani Poortukkat POST Greenlandip suleqatigisaanut aaneqarsinnaapput.

1.2 Poortukkat angissusissaat

Poortukkat tamarmik angissutsit taaneqartut qaangersimassanngilaat:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/ portussuseq = 17 cm.

Annerpaaffissaq: takissuseq 220 cm aamma takissuseq + uuttuut takissuseq tungaanut ingerlatinnagu kaajallallunili uuttutigisigap annerpaaq = 360 cm. Poortugaq ammalortutut amilimasutulluunniit isikkoqaruni: takissuseq 150 cm aamma diameter/portussuseq = 25 cm.

1.3 Oqimaassuseq

Poortukkap poortuutini ilanngullugu oqimaannerpaaffissaraa 50 kg.

1.4 Imai

Poortugaq makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Poortukkat imaat tamakku taamaattoq killilikkamik nalilerlugit Poortukkat Tammatsaalisatut imaluunniit Poortukkat Nalilittut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppernarsaatit, nalilinnut uppernarsaatit aammalu allagartaatit allat aningaasanik nalilinnut uppernarsaataasut aammalu allagartaammik tiggumminnittup kinaanerani uppernarsaasuusunik allagartaammik tunniussinissamut, allagartaat naapertorlugu aningaasanik akilerneqarinnissamut, pigisat nuunneqarsinnaasut tiginissaannik piumasaqarnermut imaluunniit allagartaat naapertorlugu kiffartuussinermi sullinneqarinnissamik piumasaqarnermut
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit innunut, uumasunut, avatangiisinut (assersuutugalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut.

„Nassiussat ulorianaatillit, POST Greenland aqutugalugu nassiuteqqusaanngitsut“ www.post.gl -imi takuneqarsinnaapput aammalu allakkerivimmit ilisimatitsisutiginneqartarlutik.

- Asiujasut
- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiusussat (rovvider), uumasullu allat qimerloqanngitsut.
- Imassat, qaartartut assigisaallu ilanngullugit.
- Nioqqutissat peqquserlulluni assilisat salloqittaasiiallu.
- Inuit uumasullu toqungasut timaasa sinnikui.

1.5 Poortorneri

Nassiussisup Poortukkap poortorluarneqarsimanissaa akisussaaffigaa.

Taamaallilluni nalinginnaasumik allakkerinnikkut suliarineqarnerani imaasa isumannaatumik illersorneqarnerat qulakkeerneqarsinnaaqqullugu, kiisalu poortukkap nassiussanik allanik, POST Greenlandimik allanilluunniit ajoqusiinnaanera pingitsoortissinnaaqqullugu. POST Greenland poortuutit misissornissaa pisussaaffingngilaa. Poortukkap nassiunneqartussat tunniunneqarnerani POST Greenlandip paasippagu Poortugaq isumannaatumik poortugaasimannngitsoq, POST Greenland nalliini naapertorlugu Poortukkamik tigusinissaminik itigartitsisnaatitaavoq imaluunniit nassiussisup uppernarsaammik atsiqqusinnaallugu, Poortugaq nassiussisup akisussaaffigisaanik nassiunneqartoq.

Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigisaminnik pooqassapput.

Imarisat qajannartut (soorlu igalaamengit/marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunneqarsinnaapput.

Poortukkat mianersuutassat nassiunneqarsinnaanngillat.

1.6 Adressekortit - immersugassat

Nassiussisup immersugassaq immikkut ittoq (adressekorti) Poortukkamut atugasaraa. Immersugassaq allakkerivimmi pineqartarpoq nassiussisumiillu immersorneqassalluni. Immersugassat nassiussisussap aqqanik naqitsivigeriikkat amerlasuunngorlugit akiliilluni pineqarsinnaapput.

1.7 Allakkerivimmut tunniussineq

Poortukkat allakkerivimmut tunniunneqassapput. Immikkut isumaqatigiissuteqarinnikkut aammalu akiliinnikkut Poortukkat nassiussisussamut aaneqarsinnaapput. Naammagittaalliornermi uppernarsaat nassarneqassaaq.

1.8 Piumasaqarsinnaatitaaffik

Poortukkami tiguisussatut qaatiguuliussamat tunniunneqarnissaata imaluunniit nalunarutiginneqarnissaata tungaanut, nassitsisoq Poortugaq utertikkumallugu allamulluunniit tunniussassanngorumallugu piumasaqarsinnaatitaavoq. POST Greenland Poortukkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, POST Greenland nassiussap utertinneqarluni angallanerani akisup saniatigut imaluunniit adressemut nutaamut suliassap allangorteqquneqarneranut suliakkersuummut akiluteqartitsisinnaatitaavoq. Akit akiliutillu taamaattut siusinnerpaamik akileqquneqassapput, nassiussaq allakkerivimmit nassitsivigisamat ingerlatinneqareersimappat.

1.9 Tiguisussamat tunniussineq

POST Greenland Poortukkanik aatsineq ajorpoq. Taamaattoq sullitat immikkut isumaqatigiisuteqarnikkut aammalu akiluteqarnermikkut Poortukkanik aatsivigineqarsinnaapput.

Poortukkat nassiussisup adressekortimut allassimasaanut adressemut nalunaarutigineqassapput. POST Greenlandip poortugaqarneranik nalunaarut postboksemut ilisarpaa, imaluunniit allakkatut nalinginnaasutut agguaatat lugu. Tiguisussap, imaluunniit tiguisinissamat piginnaatinneqartup Poortugaq allakkerivimmut tamatum kingorna aasinnaavaa poortukkap nalunaarutigineqarnerani ulloq aaneqarfissaa sioqullugu kinaassutsimik takutitsinikkut. Arfininngorerit, sapaatit nalliuttullu ilanngullugit aallersinnaaneq ullunik 30-nik nalinginnaasumik siviussuseqartarpoq. Ullut 14-it qaangiunneranni uninngatitsinermit akiliut ilanngunneqartalersarpoq.

POST Greenlandip Poortugaq tiguisussamat tunniussinnaanngippagu aammalu nalunaarutigineqarsimaguni, nalunaarummilu ulloq aallersinnaanermit killissaritataasoq qaangiutereersimappat, Poortugaq nassiussisumut utertinneqassaaq Poortukkatut umiarsuakkoortutut (B). POST Greenlandip Poortukkat uppersaati-tallit tunniuttarpei. Poortukkat Poortugaasivimmiit tunniunneqarsinnaapput, tassani kodi namminerisag tiguisussamat nassiunneqartoq Poortugaasivimmilu atornerartussa, poortukkap tigueneranup uppersaati-tit isigineqarpoq.

1.10 Najukkamik allannguneq

Tiguisussap allamut nuunneq POST Greenlandimut nalunaarutigisimappagu, piffisami nalinginnaasumik qaammatinik arfinilinnik siviussuseqartumi Poortugaq akeqanngitsumik najukkamat nutaamut ingerlateqqinneqartarpoq. Ingerlatitseqqinneq Poortukkatut umiarsuakkoortutut ingerlanneqartarpoq, nassiussisoq imaluunniit tiguisussaq timmisartukkat ingerlanneqarnissaanut tapimik akiliisimangippat

1.11 Poortukkat apuunneqarsinnaanngitsut

Poortukkat apuunneqarsinnaanngitsut nassiussisuminnut utertinneqartarput. Assersuutigalugu makku pissutaallutik nassiussat apuunneqarsinnaasannngillat: Tiguisumasooqanngilaq, tiguisussaq najukkami ilisarimaneqanngilaq, qaatiguumliornera amigarpoq assigisaalu. Poortugaq utertinneqartarpoq Poortukkatut umiarsuakkoortutut, nassiussisoq imaluunniit tiguisussaq timmisartukkat ingerlanneqarnissaanut tapimik akiliisimangippat.

1.12 Allakkerinermit isertuussisussaaneq nassiussanillu ammaaneq

Nassiussisup allakkerivimmit atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilanngaaserinermit oqartussasunut kiisalu Kalaallit Nunaanni Politeeqarnermit oqartussasasunut tunngassuteqartuni, POST Greenland taamaattoq paasissutissanik taakkununga tunniussisussanngortinneqarsinnaavoq.

Nassiussat apuunneqarsinnaanngitsut pillugit pisuni immikkut illuinnartuni POST Greenland pillugu *Namminersorlulik Oqartussat nalunaarutaanni nr. 9, 24. juni 2011-meersumi* allassimasunut ilaasuni, POST Greenland poortukkamik ammaasinnaatitaavoq.

Poortukkat tiguisussamat tunniunneqarsinnaanngitsut uterfissaqanngitsullu nassunneraniit qaammatit 12 qaangiuppata aserorterneqassapput.

1.13 Akit

Akit qaqugukkulluunniit atuuttut allattorsimaffiat www.post.gl -imi aammalu

allakkerivinni takuneqarsinnaapput, tassanilu aamma akit atuuttut tamaasa pillugit paasissutissiisoqartarpoq.

Akinik allanngortoqartillugu nunatsinni tusagassiuitit aqutugalugit tamanna pillugu ilisimatitsisoqassaaq.

1.14 Akiliineq

Aki nassiussasamik tunniussinermit aningaasanik akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiisuteqarsimangippat.

1.15 Taarsiisuteqartarneq

POST Greenland Poortukkap kinguaattoorneranup taarsiisuteqarneq ajorpoq.

Poortugaq tammarsimappat imaluunniit ajoqusersimappat, imaluunniit Poortukkap imai tamakkiisumik ilaannakortumilluunniit aserorsimappata, ajoqusernerannut taarsiisoqassaaq 2.500 kr.-it tikillugit angissusilimmik.

POST Greenlandili taarsiisussaaneq ajorpoq tammarnera innarlerneraluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Ajoqusernerit takoriaannaanngitsunut taarsiisoqarneq ajorpoq, aammalu taarsiisoqassanani atorlut elektroniskiusut nassiunneqarnerminni puussaviinik poortorneqarsimangippata. Iluqutissanut annaasanut, ujariatsinermit, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Poortugaq aseroneqartoq pillugu POST Greenlandimut maalaaruteqarneq, imaluunniit Poortukkap imaanik tamakkiisumik ilaannakortumilluunniit annaasaqarnermit, ersittumik aserorsimanageranup imaluunniit imaanik tamakkiisumik ilaannakortumilluunniit annaasaqarnermi maalaaruteqarneq, Poortukkap tiguenerani emgerluni pissaaq. Piffissaliussa qaaqereersooq maalaaruteqaraanni, allamik uppersaatisaartoqanngippat, tunngavigineqassaaq Poortugaq nassiunneqarnissaminut tunniunneqarnermini aserorsimangitsoq imaalu aseqqukuunngitsut. POST Greenland taarsiisussaajunnaartarpoq POST Greenlandimut piumasaqaat Poortukkap tigueneraniit qaammatit 12-it qaangiutinnagit nalunaarutigineqarsimangippat.

POST Greenlandip taarsiisuteqartussaaneranut Namminersorlutik Oqartussat nalunaarutaanni nr. 9, 24. juni 2011-meersumi malittarisassat aamma atuuppupput.

Niuernermit piumasaqaatini ukunani, tassalu imm. 1.4-imi aamma 1.5-imi piumasaqaatinut kiisalu Poortukkanut Tammasaalisanut tunngatillugu imm. 3-mi piumasaqaatinut aammalu Poortukkanut Nalilinnut imm. 4-mi piumasaqaatinut, poortukkap imaanut poortorneqarsimanissaannullu piumasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, nassiussisoq pisussaavoq POST Greenland qanoq ittumilluunniit annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisoq taarsiisussaataavoq.

1.16 Maalaarutit

Nassitsisup tiguisussalluunniit POST Greenland Poortukkamik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummumut ingerlatinneqassaaq aalajangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. *Inatsisartut inatsisaanni nr. 3, 15. april 2011-meersumi § 22* naaperlorlugu aalajangiinerup maalaarutigineqartup tiguenerata kingorna sap. ak. sisamat qaangiutinnagit maalaarutiginnittoqarsinnaavoq.

2. Økonomipostpakke-t (B-t /umiarsuakku nassiussat)

Poortukkat umiarsuakkoortut (B-t) Poortukkanut timmisartukkoortunut (A-nut) tunngatillugu niuernermit piumasaqaatinut ilaapput, takuuk imm. 1, makkuninngali

allaassuteqarlutik:

2.1 Kiffartuussinermi pitsaassutimillu anguniakkat

Poortukkanut umiarsuakkoortunut (B-nut) anguniagaavoq, Poortukkat (B-t) umiarsuarmut aallartussamut siullerpaamut ilaatinneqartarnissaat.

Poortukkat (B-t) allakkanut boksilinnut ingerlasut nalunaarutigineqarnerat postboks-enut ikineqarsimassaaq, Poortukkat allakkerivimmum tikiunneqarnerata kingorna kingusinnerpaamik ullut marluk qaangiutinnginneranni.

3. Poortukkat nalillit

Poortukkat timmisartukkoortut (A-t) Nalilittut nassiunneqartut Poortukkanut timmisartukkoortunut (A-nut) aamma Poortukkanut umiarsuakkoortunut (B-nut) niuerner-ni piumasagaatini imm. 1 aamma 2 naapertorlugit ilaapput, taamaattorli mak-kuninnga allaassuteqarlutik:

3.1 Imai

Poortugaq Nalilik aningaasanik aamma/imaluunniit allagartaatinik Poortukkami ataatsimi annerpaamik kr. 25.000-nik nalilinnik imaqarsinnaataaavoq.

Allagartaatit nalingat naatsorsorneqartarpoq allagartaatit nalinga allassimasooq tun-gavigalugu. Allagartaammi aningaasat nalinganik allassimasooqanngippat imaluun-niit allagartaammi allassimasup aningaasat nalisarpiat assiginngippagu, aningaa-sat allagartaammi allassimasut allanneqassapput. POST Greenlandip aningaasan-ngorlugu nalingata nassitsisumit uppersarsarneqarnissaa piumasarisinnaavaa.

3.2 Nalunaaqutsiineq

Poortugaq Nalilik poortukkap saqqaani nalunaaqutserneqassaaq „Værdi“-mik, imaatalu nalinga koruuninngorlugu allanneqassalluni. Naliliussat allanneqartup Poortukkap Nalillip imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Poortukkanut Nalilinnut aningaasanik aamma/imaluunniit allagartaatinik imalinnut tunngatillugu naliliussap nalinga allan-neqarsimasooq imarisaanut tamatigut naapertuutissaaq.

3.3 Poortorneri

Poortukkat Nalillit poortornerat ima qajannaatsigissaaq imatullu suliarineqarsimas-salluni susassaqqanngitsumit ammarniarneqarsimanera takuneqanngitsoorinnaas-sanani. Poortukkat Nalillit naqissuserneqarsimassapput lak-iusumik nipittartumil-luunniit naqitsivigineqarsimasumik. Poortugaq Nalilik allunaasamik ungeruserne-qarsimappat, nipittartoq poortukkamut ungerutigineqartumit ilorliulluni nipitinne-qarsimassaaq. Allakkerivup Poortugaq Nalilik nipittartumik nipititsivigisinnaavaa akiliitsisilluni.

Poortukkap Nalillip puuata sinai qalipaasigaassanngillat imaluunniit allagartali-gaasanatik nipitittakkamik il.il., taamaallaalli allakkerivimmi allagartaliussanik nipititsiffi-gineqarsimassallutik. Poortukkanik Nalilinnik nassiussinermi aningaasat aggorsima-sut pineqartillugit, poortorneqarsimanissaat malittarisassaqrpoq immikkut ittunik. Tamanna pillugu paasissutissat annertunerusut allakkerivimmi pineqarsinnaapput.

3.4 Allakkerivimmum tunniussineq

Poortugaq Nalilik allakkerivimmum tunniunneqassaaq. Tunniussinermi nassiussi-sup immersorsinnaavaa uppersarsaat immikkoortoq nassiussisup tigusissallu ad-ressiinik immersuiffissiaasoq, taanna uppersarsaatissaavoq Poortugaq Nalilittut nassiunneqarsimasuusoq. Immersugassiap immersorneqarsimasup tigusimanera POST Greenlandip atsiornikkut uppersarsaasissavaa. Naammagittaalliornermi upper-narsaat nassarneqassaaq.

3.5 Tigusisussamum tunniussineq

POST Greenlandip Poortugaq Nalilik atsiortitsinikkum tunniutissavaa.

3.6 Taarsiissuteqarneq

Poortugaq Nalilik innarlerneqarsimappat tammarsimappalluunniit POST Greenland taarsiisussaavoq annerpaamik 25.000 kr.-inik.

POST Greenlandili taarsiisussaaneq ajorpoq tammarnera innarlerneraluunniit nassit-sisup kukkunerippagu, nassiussap qanoq iluseqarnera, qajannartumik poortorneqar-simappat imaluunniit pissutsit POST Greenlandip ingalassinnaanngisai atuuppata, kingunerilu POST Greenlandip pinngitsoorissinnaanagit.

Iluauqitissanut annaasanut, ujariatsinermum, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piumasagaarneq POST Greenlandimut nalunaarutigineqartus-saavoq Poortukkap Nalillip POST Greenlandimut tunniunneqarnerani qaammatit 12-it qaangiutisinnagit, taakkulu qaangerneqarsimappata taarseeqqussisut atorun-naartarpoq.

4. Nassiussat akileqqaarlugit tigusassat

Poortukkat timmisartukkoortut (A-t) aamma Poortukkat umiarsuakkoortut (B-t), Akileqqaarlugit tiguneqartussanngorlugit nassiunneqartut Poortukkanut timmisar-tukkoortunut (A-nut) aamma Poortukkanut umiarsuakkoortunut (B-nut) niuerner-ni piumasagaatitut ilaapput, takuuk imm. 1 aamma 2, taamaattorli makkuninnga allaassuteqarlutik:

Aningaasat POST Greenlandip tigusisussamit akileqqusassai kr. 10.000-inik amerla-nerusimappata, nassiussaq Poortukkat Nalilittut nassiunneqassaaq. Nassiussat akileqqaarlugit tigusassat annerpaamik akiligassartaqarsinnaapput 25.000 kr.-inik.

4.1 Nalunaaqutsiineq

Poortukkamik Akileqqaarlugu tigusassanngorlugu nassiussinermi nassiussisup immersugassiaq immersussavaa allallugu nassiussisooq tigusisussarlu, kiisalu tigi-siussap akiligassai aningaasat angissusaat.

Poortukkamik Akileqqaarlugu tigusassami adressep allaffissartaani allanneqassaaq „Postopkrævning“, aningaasallu akileqquneqartut poortukkamut immersukkamullu kroninngorlugit allanneqassapput.

4.2 Allakkerivimmum tunniussineq

Poortugaq Akileqqaarlugu tiguneqartussaaq allakkerivimmum tunniunneqassaaq. Tunniussinermi nassiussisup immersorsinnaavaa uppersarsaat immikkoortoq nassiussisup tigusisussallu adresseanik immersuiffissiaq. Taanna uppersarsaat-issaavoq Poortugaq Akileqqaarlugu tiguneqartussat nassiunneqarsimasuusoq. Immersugassiap immersorneqarsimasup tigusimanera POST Greenlandip atsiornik-kut uppersarsaasissavaa. Uppersarsaasissaaq nassarneqassaaq malaaruteqartoqas-sagaluarpat.

4.3 Piumasagaarsinnaatitaaffik

Poortukkamik tigusisussat allassimasumum Poortukkap tunniunneqarnissaata ima-luunniit nalunaarutigineqarnissaata tungaanut nassitsisuuq piumasagar sinnaati-taaffeqarpoq, poortugaq tigusisussamut allamut allannortissinnaallugu imaluunniit tigusisussap akiligassaasa aningaasartai allannortissinnaallugit, akilersinnagilluun-niit, tunniunneqartussanngorsinnaallugit.

POST Greenland Poortukkap utertinneqartup nassiunneqarnermini akianik utertit-sineq ajorpoq. Nassiussisup piumasagaarsinnaatitaaffini atorsimappagu, sulias-sap allannortinneqarnissaa pillugu POST Greenland nassiussisooq akitsuummik akiliute-qartissinnaavaa.

4.4 Tigusisussamum tunniussineq

POST Greenlandip Poortugaq Akileqqaarlugu tiguneqartussaaq tunniutissavaa akili-gassartaata kiisalu akiliutigisap tigusisussaanut nuunneqarneranut akitsuutip akiler-neqarneratigut.

4.5 Taarsiissuteqarneq

POST Greenland poortukkamik Akileqqaarlugu tiguneqartussamik tigusisussamum tunniussipat immersugassiami nassitsisup allassimasai aningaasat akilersinngit-soorlugit, nassitsisup piumasarisinnaavaa aningaasat pineqartut POST Greenlandimut akilerneqarnissaat. Aningaasat annerpaaffissaraat 25.000 kr.-it.